



Coal

F

39

326

1605c



COMPLAINTE AV ROY

SVR LA PYRAMIDE.

SIRE, la France ayme les Roys, & deteste les parricides; l'amour qu'elle vous portoit, comme au plus grand Prince de l'Europe, suiuy de la crainte de vous perdre & du desir de vous conseruer, luy auoit fait planter les marques de sa vengeance au plus haut lieu de vostre Empire, apres les heureuses victoires que Dieu vous a si fauorablement donnees sur les traistres & ennemis de vostre Couronne, détournât de dessus vostre chef, ces maudites coniurations, qu'une ame Espagnolle, & superstition de Iesuite auoit enfanté au grand preiudice de vostre Estat: Voila le sujet qui nous a fait dresser ceste Pyramide; Pour porter à l'eternité par vn tesmoignage si entier, nos plus fidelles affection: Sujet qui nous fait aujourd'huy malgré la violence, redoubler nos plaintes contre ceux qui si iniustement l'ont renuersee. SIRE, dites nous en l'occasion;

Est-ce que les charmes de ces charlatans touchent plus vos oreilles, que les iustes remonstrâces des bons François? Ou que nous vous ayons plus offensé en vous ayant, qu'eux en vous portant enuie? Est-ce qu'un grand Roy comme vous, qui se sçait biẽ servir du courage de ses sujets, ne sçait admirer que la vertu de ses ennemis, Pour ne recompenser que ceux qui ont desservy le Roy & la France: Si ceux là meritent, qui jadis tournerẽt leur courage plain d'ingratitude contre le service de leur Prince & de leur patrie, qu'ils ont tant outragee: Sauf vostre respect (SIRE) ceux-là font encores mieux qui n'ont point offensé: Encores si nous pensions que ces lesuites eussent autant changé de dessein comme vous avez fait de volonté, se servant de vostre Clemence, Pour un entier sujet de vostre conuersion; Nous sacrifierions avec vous à leur retour, & forçant nos iustes passions, on nous verroit abattre de nos mains ces Colomnes & ces Marbres, les voyant démolir de leur courage l'ingratitude & la perfidie: Mais prenez garde qu'ils n'ayent plustost changé d'apparence que d'intention, & que par

l'esclat de ces deux grandes vertus qui les font tellement reluire en vostre Cour, COMPLAISANCE & HYPOCRISIE, ils ne vous ayent esbloüï les yeux, que le reste de leurs meschantez vous estant inuisibles, vous soient incogneuës; rapportez vous en à ceux qui en voyent vne bõne partie, & de l'autre vous en desfieez avec raison, Aussi bien vous ont ils gasté les sens, vous n'avez des yeux que pour veoir ce que bon leur semble, & des oreilles que pour ouyr ce qu'il leur plaist. Retenez ceste magnanimité, que vous ont acquis vostre Vertu & la Noblesse de vos predecesseurs; vostre Vertu, dy-je, qui s'estant fait paroistre au danger des armées, se veoid presque aniourd'huy effacee par les charmes d'un lesuyte. SIRE, vous avez fait abatre vne Pyramide que vos bons sujets auoient bastie de l'horreur de ces meurtriers, faites-en reedifier vne autre plus belle cent fois, & plus enrichie que la premiere; Qu'elle soit haulsee iusques aux nuës, vomissant le feu & le sang, pour espouuäter ceste canaille bazannee, afin que fuyänt de si loing qu'ils verront ces foudres eslancez, ils

soient contrainsts d'abandonner la France; & quittant leur proye, ils s'ailent vanter en Espagne d'auoir rencontré des courages vraiment François, & vraiment genereux, & vn Roy qui ne se persuade qu'entend qu'il veut, & ne croit qu'entéd qu'il luy est necessaire; Iamais vostre valeur ne s'est veuë tant esclater que durant l'orage de ces guerres ciuiles: Ores vostre courage se releuant par dessus l'aduersité, a fait paroistre combien la fortune estoit sujette à la vertu; Vostre ame entierement courageuse, enfantoit des effets estranges: Iamais vos Conseils ne furent plus grands, vos entreprises plus hautes, & vos executions plus heureuses; SIRE, vous n'auiez point de Iesuytes: Auioird'huy qu'un pere Coton vous tienne tellement par les oreilles, qu'il semble que la Royauté ne se puisse des-vnir de son conseil; Qu'un Iesuyte partialiste & Espagnol, qui a tant d'interest à la ruyne de vostre France, & qui contribue encores sous main à sa perte, se mesle neantmoins des affaires d'Estat; Vn Roy le plus belliqueux qui fut iamais, qui a borné ses conquestes par la mer & les montagnes, faisant sentir l'es-

froy de ses armes aux nations estrangeres, qui ne sont auiourd'huy redeuables qu'à la modestie; Le mesme Roy se laisse vaincre & manier par vn Iesuyte; Que l'on die qu'il ayt vaincu tout le mōde, pour dōner plus de gloire à P. Coton en le vainquant: Il ne reste plus que de mettre vostre Sceptre & vostre Couronne à ses yeux: D'irriter tous les gens de bien pour gagner les bōnes graces, & si ce n'est assez, de vous faire Iesuyte & le faire Roy de France: SIRE, Nous parlōs bien haut, il est vray, à peine pouuons nous estre entendus: C'est à faireaux Iesuytes de parler bas, qui si proches de vostre Majesté nous en esloignēt tant: Iamais vn bon François ne sçauroit compatir avec vn Iesuyte seditieux: Faites choix, ou de nostre affectiō, ou de leur hypocrisie, comme vous faites fort bien, oubliant volontairement les bons serui-ces de ceux dont vous ne pouuez vous souuenir sans ingratitude: C'est bien fait, pourueu que vous rencontriez plus de fidelité en vos ennemis, que d'assurance en vos sujets: Mais dites nous, SIRE, quel aduancemēt en attendez-vous? que pour caresser l'esperance d'un bien qu'ils ne

peuuent faire, vous oubliez le merite de ceux qui vous en ont desia fait: Quel profit, dy-je, en attendez vous pour hazarder avec ce bel auantage le danger de vostre Majesté: Ouy de vostre Majesté? Souuenez vous de ce coup, hélas! qui ne se pouuoit entreprendre que par vn Iesuyte, & autrement reüssire que par la fortune. Ce coup porté sur le visage du plus grand Roy du monde, par celuy qui sorty de vostre escole Iesuytique, comme vn loup enragé d'une noire forests, s'est venu acharner sur ceste sainte Majesté, pour d'une si belle victime faire offrande, & à vous, & à la bõne fortune d'Espagne. SIRE, vous vous en souuenez, & si vos oreilles en doutent, qu'elles se rapportent à vos yeux: Vous le sçauéz, on ne vous l'a point dit, afin que le bruit & la reputation ne vous trompast: Ils nous en ont fait sentir les effets. Ce sont vos entreprises Iesuytes. SIRE, quelle en doit estre la vengeance? Non, mais quelle en sera la recompence: SIRE, souuenez vous eternellement de la playe que vous receustes à la bouche: Mais oubliez la pourueu qu'il vous souuienne de celle que vous rece-

uez aujourd'huy par les oreilles , qui est plus dangereuse entant qu'elle est moins sensible. Deux playes, hélas ! qui portées sur vn mesme visage , ont causé deux effects si contraires : La premiere vous a iustement bannis de France Iesuites, & celle icy vous a reestablis avec iniustice. Par celle là nous vous auons cogneus, & celle cy nous vient apprendre à nous oublier : Celle là nous fit abhorrer le parricide, celle icy nous veut contraindre à l'aduouïer. Sire, la fortune est pour vous, & Dieu a soing de la France , vous estes braue, vous estes heureux, ce grand Achilles invincible aux armes aussi bien que vous, ne pouuoit estre dompté que par le talon, & vous par les oreilles : Vous escoutez trop, & croyez beaucoup; considerez l'outrage que nostre legere croyāce a fait à nostre reputation ? que nous permettiōs aujourd'huy les traistres victorieux dedās la France qu'ils ont allumée, & specialement dedans ceste ville de Paris, où nous leur auons veu exercer leurs plus sanglās desseings. Que nous voyons ces parricides venir avec leurs mains encores sanglantes desmolir nos Colomnes deuant

le lieu le plus auguste du monde ; chacun
 void que nous l'endurons , mais tout le
 monde ne sçait pas que vous le comman-
 dez. Que l'on casse les saintes arreſts de la
 Juſtice, que l'on brize les ſacrees ordon-
 nances, & puis que l'on luy denie ceſte
 conſolation de le pouuoir voir ? Que l'on
 luy permette de ne le pouuoir ſouffrir :
 Non non qu'elle voye & qu'elle l'endu-
 re puis qu'en vengeance l'infidelité elle
 vous offense, & que vous assemblez deux
 choſes tant inſocyables de vous complai-
 re, & de fauoriſer vos ennemis : Sire, con-
 ſiderez avec quelle inſolence, ces ſacrile-
 ges renuerſent auiourdhuy ceſte Pyrami-
 de que nous auons cōſacrée à voſtre con-
 ſeruation, avec ce meſme courage qui a
 autrefois pouſſé leurs mains ſur voſtre Ma-
 jeſté : Nous les auons veüs cruellement
 attachez ſur ces pierres inſenſibles d'auffi
 bon cœur, qu'il leur ſembloit tenir vn
 HENRY DE BOVRBON entre leurs mains.
 Conſiderez combien leur eſt douce la vi-
 ctoire que vous leur mettez en leurs
 mains, & avec quel mépris de voſtre Cour
 ils accroiſſent auiourd'huy le contente-
 ment de leur vengeance ; elle y aſſiſte la
 larme

larme à l'œil , vous plaignat plustost en
vostre victoire & en l'accomplissēmēt de
vos volonteiz qu'elle mēme en ses outra-
ges; Elle l'a veu, & ce qui est de plus in-
supportable aux vaincus: On a triomphé
d'elle en sa presence: Il vous sembloit he-
las ! voir vn second parricide , puis que
abolissant les peines du premier avec la
memoire, estoit en inuenter vn autre par
l'impunité; Nous voulions crier & pleu-
rer à haute voix, mais comme l'on remar-
quoit nos contenancez pour nouueaux
crimes, nous estiōs contraincts de ressuyer
nos larmes & remascher nos sanglots, &
sil nous restoit quelque iuste ressentimēt
de ces iniures, les resserrer en nous mē-
mes, & trahir nostre Prince en apparen-
ce. Ouy, Sire, nous auons esté plus trai-
tres en vous adherant , que fidelles su-
jets en vous obeïssant: nous le deuiōs plu-
tost empescher malgré vostre comman-
dement pour le bien de vostre peuple, que
de consentir par nostre lascheté au grād
preiudice de vostre estat ; Le temps vous
eut peut estre vn iour fait voir nostre sin-
cerité par les effets de ceste iuste deso-
beïssance ; Pleust à Dieu qu'il feust en

nous de l'empescher comme nous ferions si vous nous permettiez de vous aymer avec liberté, on ne verroit point aujourdhuy ceste canaille Espagnole au grand scandale du public, l'esleuer contre la iustice, & triompher si impudamment de sa douleur & de sa patience, nous les auions desia si bien escartez que la France se pouuoit dire à ce coup entierement nettoyée de ceste vermine, si vostre Majesté ne se fust ennuyée de son repos & déplu de sa felicité. Vous les auez vous mesmes condamnez, & vostre sincerité nous auoit commandé de les detester pour l'amour de vous. Quelles sont vos résolutions s'ils vous ont prié, & vous vous estes oublié vous mesme pour entheriner leur requeste, & hay, pour aymer & cherir ceux que ne pouuez punir qu'avec raison: Aujourdhuy vous ne pouuez fléchir par les prieres de vos bons sujets que vous ne pouuez mescontenter sans grande iniustice. Serez vous donc muable & inconstant en tous vos desseins, sinon lors que vous aurez entrepris de vous perdre vous mesmes, & ruyner vostre estat? Mais aussi quelle recompense en receuerez

vous ? la haine des vostres , & l'ingratitude de ces restablis ? Non non , nous aymons nos Roys, mesmes apres les iniures ; aussi sçachant bien que vous ne nous pouuez perdre , vous nous mesprisez : Dieu vueille qu'ils soient aussi fidelles apres les biens faits qu'ils reçoient de vous , que nous le serons apres les offenses ; faites peu d'estat de nostre courroux, & encores moins de nos remonstrances : Que l'on raze la pyramide en dépit des bons François, & si cela ne suffit, que l'on face le procez à vostre Cour de Parlemēt, pour iustifier pere Coton , à la charge qu'il vous souuienne que sur ce debris vous plantiez les trophées d'Espagne, où l'on voye au milieu vn parricide couronné qui d'une main tienne le glaïue, & de l'autre les lauriers avec beaucoup d'inscriptions à la loüange de ses fondateurs : Iamais la clemēce n'eut rien d'inhumain, ce n'est bonté celle qui est douce à vos ennemis , & cruelle à vos sujers : on vous veut apprendre à mesconnoistre vos fidelles sujers , & à nous l'oubly de nostre deuoir. Sire , reuenez vn peu à vous, que le soing de vous & de vostre peuple vous

rappelle'à la raison, Dieu vous a donné à
 la France pour luy cōmander & la main-
 tenir, & la France à vous pour vous ser-
 uir; si vous faictes peu d'estat de vous mes-
 mes pour l'amour de vous, cōseruez vous
 pour l'amour des vostres. Vous estes l'a-
 me, nous sommes le corps, c'est vostre
 volonté qui nous fait mouuoir, & vostre
 haleine qui nous fait respirer; Nous ne
 viuons aussi que pour vous faire seruice, &
 vous seruons pour vous conseruer; vostre
 conseruation est la nostre, & la bienveil-
 lance de vos sujets est vostre accroissemēt;
 Sire, vous estes grand Prince, vous estes
 puissant, & auez grande autorité: Ne
 regardez donc point si vous auez pouuoir
 d'executer, mais s'il est raisonnable d'en-
 treprendre, vous deuez vous pas conten-
 ter de les voir suruiure à leur paricide, tel-
 lement remplis de gloire, que nous som-
 mes en doute de sçauoir, ou si nous les
 auons chassés avec plus d'infamie, ou re-
 stituez avec plus d'honneurs: vous deuoit
 il pas suffire de les auoir tellement remis
 en France, que les bons aujourdhuy por-
 tent enuie aux meschans? Estoit ce pas as-
 sez puis que vous estes tāt infidelle à vous

mesme d'auoir approché de vous ces meurtriers, que le bon-heur de la France ne peut assez éloigner, & ne peut enuier auourd'huy ce seul contentement qui restoit à nos iustes passions, & voir la pyramide demeurer malgré leurs efforts à la honte perpetuelle de ces parricides. France miserable, esternize les larmes avec la douleur, puis qu'il faut que tu te repentes d'auoir aimé, pour voir auourd'huy condamner les plus entieres affections. Et vous Pere Coton Iesuite mal auisé, si vous eussiez esté aussi sage que vous estes seditieux, vous n'eussiez iamais tant poursuuy de faire abatre la Pyramide qui vous faisoit plaindre par quelques vns estant entiere, & vous fait maintenant blasmer d'un chacun par sa ruyne? Il valoit beaucoup mieux pour vous si à si grand tord comme vous pretendiez on l'auoit plantee que l'on la souhaitast abbatu. Que l'estat en portast tant d'enuye à vostre felicité: C'est l'ambition qui vous cōmande dont sont plaines vos seditieuses requestes. Sire, le sujet pour lequel ils vous prient, vous deuoit estre occasion de les refuser: Par là vous auez deu cognoistre

le blanc où vident leurs plus signalées intentions & le but principal où ils prétendent, puis qu'il ont tasché de viure par vostre perte, que vostre vie soit leur mort: Plus la France se voit florissante, plus elle dereste les ennemis de sa grandeur: Voyla, Sire, quelles sont nos plaintes que nous payons & à nostre Roy & à nostre patrie: Nos plaintes, dis-je, qui seules nous restent de nostre liberté, pour le moins vn iour le triste contentement nous restera au fort de nos aduersitez, que nos aduis ont esté iustes, mais mal receuz; & quand le temps nous fera voir le sujet de nostre crainte, que nous puissions dire les auoir preueuës, & non pas sceu empêcher: En tout cas, SIRE, nous vous auons obey; Souuenez vous donc, SIRE, que vous offencez beaucoup de gens de bien pour restituer ceux qui ne nous peuuent nuire que dedans nostre pays, que vous les attirez par vostre douceur, & ne les chasserez iamais que par violence, SIRE, donnez leur plus de sujet de se plaindre de vostre Iustice, que de triompher vn iour de vostre bonté.

Aduortite Ciues.

Molem detestandi parricidij indicem ad perpetuam publicam ultionis exemplum ex S.C. positam euertis pater Coto. Quid non his initiis deinceps ausurus, facturus, non leges euertere, auctoritatem iudiciorum euellere, libertatem publicam labefactare, iuuentutem corrumpere, mores transmarinos inducere edicta, violare, Regem tandem de solio deicere? Cane Rex fortunatissime ab hac peste, qua nouam ad Catholicam Maiorum Religionem adiecit sectam, & Prasules Ecclesia spernere, Magistratum ludibrio habere docet Quon afflat, necat, Alphonso Carillo ex illo Sodalatio authore Sigismundus Battorius Transilvania princeps fœdus pacis contradicentibus sua ditionis proceribus violauit patruelis, ad perniciem persequutus est, bello se inextricabili implicuit, ad extremum Imperio exutus, nunc miser & inglorius in Selesia senescit. Sigismundus Polonia Rex iisdem incensoribus turbas in Prussia intempestiue excitauit, inauspicata in Sueffam profectioe periculum vita adiuit, ac postea Regnum ipsum auitum amisit. Rudolphus Caesar horum Sectariorum consilio vsus Transiluaniam Steraphano Battorio fraude ereptam, ferro flammaque miscuit, Cassouiam ad desperationem adiegit, & nunc ambiguo belli exitu cum Hungaris suis, iam vicini Turci de summa rerum decertant. Dis recentibus exemplis disce, Rex, quod in tuam rem vertat, Consilium capere: cuius potest accidere, quod cuiquam potest. Consultores pessimi & ignauissimi prapostera dissimulatione Reges Regniq; causam proditis. Quo vobis mentes, quod auiui monumentum ad aeternam Francisci nominis igno-

miniam, Romæ erectum non sine publica indignatione
stat. Et illud, pro Regis salute positum recordia vestra
ruent. Vbi nunc Montmorency & Hospitalij fœlices pro
Regis Maiestate asseranda anima! Oportet Regum Consilia-
rios, aut Reges, aut Regum animos habere, Valere, & caue-
re.